


江月松風集  
下



聚書藏書良匪易事善  
觀書者澄神端慮淨几  
焚香勿捲腦勿唾揭幅  
以爪侵字勿以展案勿  
勿把穢手勿展食案勿  
以作枕勿夾刺隨損  
隨脩隨開隨掩後有得  
吾書者並奉贈此法



江月松風集卷之五

三月既望求虞卿申屠光遠葉子寔諸友

載酒過西山酌右丞公墓飲泉菊亭

真人漢飛龍孺子羸失鹿三輔歸版圖九有走  
臣僕豫章收楚材遺珠貢揚收黃鵠下瑤池白  
駒出空谷緬惟右轄公戎裝映儒服堂々貴黥  
相便々夢松腹騎箕感商宗烹雌遇秦繆英雄  
北海孔詞藻東陸一時彗星疏萬里儋州禿  
名曰直言奮恩被昭代錄虎賁輿大明紫微端

秉軸羊裘畊富春赤松期辟穀翩然五湖舟南  
歸得休沐首丘全要領不貽隴西辱我生後百  
年慕藺仰高躅相逢盛德後再行西山麓佳城  
何鬱：爽氣殊肅，至今白雲裏猶藏君賜穀  
麗句吟月梅遺文記泉菊玉筋丞相篆寒芒射  
人目彼哉負國者地下有餘僂公乎不可作醜  
酒宰上木

奉和太常博士柳公浦陽十詠詩

仙華巖雪

縣北有仙華巖翠掌浮空雪景尤奇  
仙華生白夜光澄五指分明最上層冰凍金莖  
承沆瀣月寒玉笋插觚稜麻姑羽蓋凌空降少  
女雲轡自此升幾欲凌空披鶴氅剽風浩渺興  
維乘

白石湫雲

白石龍湫在縣東南能出雲為雨

霧雨深涵白石泓魚鱗屋冷氣輕清中藏異瑞  
成銀甕下隱神蛟見白嬰岩客裁詩春靄：山



灵澤物夜英：誰因肺渴斲寒冽澗底歸來更  
拾荆

龍峰孤塔

在縣東龍峯古塔寔為蒼龍左角

巋然特立梵王宮梯級唯容鳥道通翠壁雲綃  
紅劫火鉄簷鈴雨落秋風高標挿漢蒼龍左倒  
影橫江白霍東何日捫蘿尋勝迹不愁千里日  
難窮

寶掌冷泉

寶掌山唐千歲和尚道場有者經行道

洞岩竇出泉極甘寒

清冷寒沁白芙蓉灵物蜿蜒古有龍山見曇華  
森宝掌洞藏貝葉殷金鐘聽猿欲訪三生石見  
霍還疑五老峯赤脚只這泉上太蕭然卧雪看  
雲松

月泉春誦

月泉書院祠朱呂二先生學者肄業其

中

泉在空山月在天東萊夫子武夷仙擔簦有客  
來長白載酒何人學太玄心印寒潭同皎潔書  
聲春雨雜潺湲一燈肯借棲松桂飽聽南薰鼓  
舜絃

南江夕照

南江橋西望原麓返照如畫圖中  
日尽江南送夕陽空明直下接漁梁千重雲岫  
連平遠五色霜林暎渺茫孤鷺倒飛天上下長  
虹高臥水中央白雲紅稻多秋思付與詩翁了

醉鄉

潮溪夜漁

去縣五十里溪流始大有魚鰕之產

魚鰕溪產正鮮肥水沒芦花舊石磯罇罍候潮  
秋得計參差吹月莫忘歸九淵貝闕疑龍国一  
道漚波似鮎埼黃帽耀歌回夜半舡頭高臥綠  
蓑衣

東嶺秋陰

縣東、山嶺平林廣野秋常多陰



青山失色暗丹楓  
廣野平林杳靄中  
半嶺無雲時慘淡  
尺天不雨六空濛  
冥冥南向藏玄豹  
漠漠東開見白鴻  
高處夕佳雉攬結  
掃除陰翳待雄風

深襄江源

浦陽江源出深襄山在縣西十里

深襄淵源萬里古流遡洄誰解泛扁舟  
險疑灑瀨來巴蜀高訝崑崙近斗牛  
混漚直沒開關有洋：未許網羅求東行  
須過浦陽汭清咏雉追

謝守遊

昭靈仙跡

昔黃帝少女於仙華岩上升山下有昭靈廟水旱禱之輒應

肌膚冰雪蘚神人此地昭靈迹  
未陳華表鶴歸終解語  
鼎湖龍起後攀鱗  
雨香室穡瓊田曉露冷  
琪花碧澗春仙馭  
時隨青鳥去定隨崑圃宴群真

半間雲

白衣蒼狗自悠々川上山中任去留賓主已忘  
同舍宿神仙何事帝鄉遊魚心更出千峰雨有  
約平分一榻秋寄與聽松閑宰相好來怡悅伴  
湯休

瓊花賦管侯家所植者

廣陵移種謝家池折却東風第一枝承露掌寒  
生玉粟鬱金香重綴冰絃女車曾過唐昌觀煬  
地空遊后土祠十二闌干天上夢看花應不似  
當時

故翰林待制劉公時中挽詞

平生空繪燎秦灰有酒長教咲口開中夜聞雞  
曾起舞晚年愛菊竟歸來聖賢欲獻王褒頌絳  
灌那知賈誼才悵望龜溪埋玉後湘江雨濕釣  
磯苔

奉送前御史監察河南僉事達兼善移官

淮西三十韻

弱冠魁高第臚傳孰鴈行臨軒知主聖獻頌屬  
臣良御酒頌先祿恩袍出尚方聲華初赫奕眉



宇最清揚秉筆居青鎖登瀛步玉堂窮經聞道  
統瑞亦應文昌慣立螭頭陛曾含雞舌香冀階  
詹日表芸閣侍奎章才可讐東觀勲宜紀太常  
玉書探禹穴石鼓識陳蒼學士陪天上詞官近  
帝旁規忠進洪範斬佞請干將烏府風雲會金  
陵壁壘疆法嚴秦御史篆逼漢中郎荐剡符輿  
論褰帷肅憲緇在廷我獬豸當道太豺狼拜命  
辭中禁分司震大梁舉賢持藻鑿務本萬畊素  
往事摩銅狄終身感素王金鰲憑要眇鯨海入

蒼茫舊約桃花縣新除扣子鄉携家來恰憤乘  
驛度餘艤譁易懷龍井論詩繫燕同心如律  
呂分乎未參商楚望陵藩屏徐方接要荒石牛  
仍角觝金斗直光芒山憶浮槎至州傳戰艦藏  
絕江應泛月入境定飛霜人物周公瑾神仙魏  
伯陽長淮萬里外鷓鴣正翱翔

曉入白岩山

溪橋低小路縈迴樹裏人家門未開馬上西風  
涼似雨濕雲吹下白岩來

又  
騎馬入亂峯，乘流絕溪渡。曉來岩上風，吹落樹頭露。

故婺州錄事文林周公挽詞

東南耆舊半彫零，士類於公見典型。秋色愁予兩淚雨，夜光墜地一文星。扶搖嘗擊三千水，富貴將登五十齡。為縣有能公論在，傳家清白遺麟經。

又

凝塵冉冉總帷寒，痛絕郎君曉問安。進士杏園三月宴，勞人花縣十年官。山中圖史遺雙硯，海內才名惜二難。此別豈知成隔世，西秋吹淚洒秋蘭。

又

却掃城南水竹居，病多時讀養生書。四知清節辭金際，五字新詩夢草餘。聽雨每留聯臥榻，看山空約借肩輿。天台高遠濤江濶，丹旆翩翾祖奠初。



滿城縣學瑞芝并序

浙西憲府經歷汲郡劉君瑞卿前為滿城縣宰新修孔子廟時天曆元年冬也越明年有芝草七華一莖生大成殿中右楹礎石上監察御史南鄭王君伯循序其事於是諸公作詩以美之

有美滿城宰芝生孔子堂文明來瑞異德化見  
慈祥泮水魯歌頌齋房漢樂章回之挹眉宇鬣  
戟凜穩霜

題郭天錫山水

擁腫魚根山癩頭銀雲截翠半空浮酒醒拭目  
知何處華岳飛來一片秋

秋熱得雨有懷

今夏五月涼殘暑不易過楚氣蒸火雲高颺動  
塵埃涸澤鱸鱸虞大廈燕雀賀寒泉當晝濁茂  
樹終日坐玄白逃士嘲丹鉛督兕課蛟龍侯帝  
符霖雨須王佐力田歲乃早良農心亦賄忽尔  
天瓢傾令我客愁破萬事傳漚波百年同蟻磨

秋高海濤壯夜朗江月大天香桂一枝地籟竹  
千箇懷人當此時狂歌誰敢和

東叔仁并寄子平徵君

天際長風送曉帆林深空翠裏春衫新知傾蓋  
渾如舊多病論詩儘不凡紅雨入窓花數、蒼  
雲穿壁笋纖、子陵臺畔能同隱何必商山與  
傳岩

述懷寄光遠并東城南諸友

野人無事久忘机肯信紛華有是非花信欲闌

鶯百轉來芒初長雉雙飛書中歲月仍為客枕

上江山屢夢歸時復思君倚溪樹不知殘雨濕

春衣

又

青、草色接平蕪翠涌千峯入座隅戴勝晨呼  
採桑女於菟夜警收豬奴羽觴洛水聞修禊單  
袷溫泉想舞雩欲泛蘭舟過春渚一樓烟雨似  
西湖

又



紅塵飛不到岩棲燕子人家樹木低兩岸春風  
吹杜若一株寒雨濕棠梨指桐仙去山中邑訪  
戴人非雪後溪几夜思親唯有夢柳花路上躡  
香泥

書懷

春夢渾難記年光不可留絮輕隨野馬堪熟醉  
林鳩綠樹深藏徑青山直上樓功名等閑事一  
咲拂吳鉤

偶成

苔花洗春雨藉此聽潺湲終日無客至滿懷都  
是山

寄光遠

沙淨花如雪江昏雨似絲山靈揚鬼火木客和  
人詩萬里丈夫志十年童子師此行深自愧未  
謁子陵祠

上巳懷古二首

泛雪舟航似剡中種瓜丘隴想江東當年三宿  
成陳迹只有青山尚姓桐

又

不見風流葉右丞  
橫山陳迹復誰登  
老拳曾醒將軍醉  
當日蘭亭恐未能

寄求唐卿

求仲不來閑竹徑  
子陵難見隔雲山  
已拚斗酒留春住  
更約扁舟載月還

富春附海舶還省侍望拜子陵祠堂

祥飈來西南  
五兩候明發  
龍驤萬斛輕  
鼉鳴五音節  
烹羊祭波臣  
巨壑東連渤  
饋餉方走燕  
樓

船不征越時  
余遊富春附  
載看山笏望  
拜子陵祠  
客星炯林樾  
他年如陸行  
瓣香重上謁  
歸來見慈顏  
歡喜入心骨  
嗟尔畎畝民  
輕命鮫鯨窟  
利啖六細微  
風濤乃倉卒  
渺三神山蒼  
一毫髮鞭石  
咲秦皇欲令  
海波竭至今  
採藥人島上  
成珠闕疇能  
徃送之桃花  
千歲月

送李士廉調浙東帥府史并東石室禪師

借問東遊何日還  
滿城柳色唱陽關  
惜花心老空訝裡  
夢草詩新案牘間  
兩地相思幾風雨  
片



雲只隔一江山老禪雪竇非塵世試聽玄談半  
日閑

送姑熟陶性之季正赴京師求仕

赤縣觀光日青雲發軔初長揚應獻賦行李只  
批書五柳曾歸去三茅亦隱居聖明今在上不  
仕復何如

賦酪櫻桃

聞道醞醐祿蠟櫻熟紅仍帶露香傾冰漿出盎  
和崖蜜火齊堆盤化水精樊素口脂難並美烏

孫肉食謾傷情尊前漫誇風味專與歌姬解  
宿醒

送陳輔賢侍母之柳州興寧簿

十年學就何蕃舍百里才淹楚子邦桂嶺風霜  
連橘井洞庭烟浪接柳江維舟夜聽啼猿獨入  
饌朝供躍鯉雙別後夢寬思舊業富春山繞白  
雲窓

送王景賢侍母之閩省父

雲海移親舍天風送客桅東書吳子國訪古粵

玉臺嵐氣千峯雨  
灘聲半夜雷  
燕山番入夢  
一路桂花開

送桂希賢還四明

爾家住近慈溪曲  
陟岵觀雲客  
身獨一行作吏  
走官府十載明  
經咲場屋丈夫落  
志四方讀  
律師古卑申  
商養親寧免  
干升斗取士未可拘  
尋常江山清  
竒數明越千里  
東歸正炎熱  
禱雲  
處望霖雨  
息陰時  
防道唱扁舟  
早發江之  
臯別酒更酌  
新蒲萄  
亟趨庭闈  
侍扇枕  
重來應

及秋風高



江月松風集卷之六

題濮陽老人手卷

濮陽老人年七十一身白屋勝朱扉往來岐路  
風波險搖落江潭樹木稀坐上歌聲彈劍鉄壁  
間燈影挂弓衣故山何處交遊盡歲々春來送  
鴈歸

送魏好義宰樂清

樂清茂宰之官太山瘦溪寒一路秋月下鮫人  
來象酒雲間禪衲過龍湫絃歌百里兼農事翰

墨三年了宦遊王謝登臨舊岩壑不妨退食繼  
風流

送李德夫福建運司書吏

吳柳初黃越樹丹始人秋色送征鞍雲隨親舍  
面楊子山引郵城人候官萬古監饒輸海賦兩  
潮魚上助盤餐武夷我有南游約欲借扶搖駕  
羽翰

十六夜登拱北樓看月蝕

龍宮涌出白蓮花拱北樓高疊鼓擗萬里光輝

瞻玉兔三分破缺食金蟾長歎夜老頭垂白再  
拜微臣額塌沙夜半冰輪復端正誰送海上泛  
靈槎

寄中竺長老竹泉禪師

嘗過石橋尋遠公塵緣未得一相逢澗声如雨  
月明夜雨箇猿啼千丈松

送馬士瞻北上

十五年前烏府掾說書幕下最風流陳情似聞  
李令伯好事復見韓荊州五絃手彈海月曉一



擢夢到江雲秋以公定除山水郡泛紅依綠肯  
同遊

東柯博士

芸香閣下丹丘生十年不見双眼明圖書一代  
聚東壁風浪扁舟歸赤城落華楚山春雨曉披  
襟海岳秋天晴欲求樹石挂林屋夜半只愁神  
鬼驚

賦歲晚江村

何地謀生樂吾農卒歲情不辭王賦重但願泰

階平水縮江聲落風飈雪意成同雲如可解斜  
日尚能明

送李時万回東平

吳山青入縣門來一徑蕭々長綠苔南國棠陰  
遺老頌西河柳色故人杯九天應戴神羊立千  
里仍騎瘦馬迴別後逋仙更相憶春風開徧予  
栽梅

壽松老人汪拱辰八十

蒼鬚綠髮古仙翁身住空同第幾峯欲采紫芝



從綺皓却摩銅狄問喬松珠明秋水蚌胎老酒  
釀春花琥珀濃水雪相首彌壽艾此生夢不到  
秦封

賀段吉甫新任照磨江浙行省

祥琴初抚泮新除憲剽彈冠欲廢書南省再送  
丞相幕西山相對騎曹居黃柑分宴參珠履華  
服承顏侍板輿聞道詞章多藻麗紫薇香露華  
花舒

王敏夫挽詞

十歲能詩早絕倫前身應是玉樓人共稱王勃  
天才敏自顧虞翻骨相屯龍劍匣空啼鬼母象  
車賦好冠王賓西山何處理瓊樹愁絕梅花野  
水濱

元日紀事

望闌衣冠拜紫宸九重鳴樂相韶鈞上天膏澤  
何多雨下土萌芽自發春門外泥深騎馬滑橋  
邊水上倚樓頻餞寒最喜條風早歇罷青陽已  
得辛



初春聽雨

殘年立春十日雨客子聽雨萬端憂五更狼籍  
梅花雪一似蕭騷梧葉秋野岸宿雲穿樹出湖  
天新漲壑城流一時晴鳴鳥在窓戶拄杖相期載  
酒遊

元日次韻

朝廷有道荷天恩元日常陰冥勿論春事憑梅  
問消息年華首竹長兒孫田翁火炬占風色海  
鬼桃枝蝕浪痕送故迎新無限意不妨醉倒罄

壺尊

次韻黃孟成貽默齋先生

翻：佳公子吳娃相勸酒便娟杜曲花依約章  
臺柳寄書魚滿尺買咲珠論斗若非玉堂仙定  
是金谷友

與默齋先生聯句成口號

宮柳新晴啼乳鴉外甥昨夜喜還家河鮪江鱗  
都供酌獨奈春寒惱杏花

又

春風吹開杜若花春日多病憶還家自是老懷  
容易惡錯怨鄰女弄琵琶

菊隱為求唐卿賦

聞說富陽求處士百年心事傳黃花九英燦爛  
秋食露六氣澄清旦食霞種竹門前同蔣徑見  
山籬下似陶家兒童報道松醪熟便漉烏巾不  
待賒

運司經歷范明府致仕歸太原

海王篇章細討論白頭幕府最承恩吳鹽美利

踰犄氏晉產竒材過大宛江上春潮桃葉滿道  
旁夜月杼花繁島居民利疲煎竈扶策何時扣  
帝閣

送梁叔遠

久慕張翰入洛年來書未覓賀循船綠波草色  
江南岸絳闕虹光冀北天異路飛騰辭狗監故  
鄉拜識掃牛眠臨岐媿乏黃金贈爛醉桃花酒  
十千

送王文振還魚臺



春雨杏花落緇帷方讀書江河行泛鷁鄉色夢  
現魚作賦殊玉繫明經埒魏舒慙無繞朝策握  
手更躊躇

元宵月蝕

不復燒燈似往年無風簾幙看嬋娟彈箏玉宇  
明千里伐鼓冰輪沒半邊不信中秋有妖孽可  
怜今夜最清圓更五光晷渾依舊恠語深漸盧  
玉川

粉團花下夜飲

萬花碎剪玉團圓晴雪飛香夜不寒恰似玉人  
相對立酒尊移月近前看

又

姑射仙人白羽麾夜深和月下瑤池落英散作  
白蝴蝶香滿東風金屈卮

題錢選毛女

擗葉紉衣紺髮香宮粧變畫尚娉婷君王若問  
長生藥只有胡麻與伏靈

送滕義甫赴建康學訓導

建業山川似伊洛故人文藻並應徐佩衿北面  
諸侯學幣帛東來御史書宮樹雲荒龍映虎岸  
花風細雀御魚明年定有公車台却擬橫經論  
石渠

次孟伯貞韻寄罕玉庭

道人新刻蓮花漏不肯出城頭髮長一榻松風  
時入定半簾梅雨晝燒香溪聲衝激青林曉山  
氣侵陵白苧涼見說移居舊安養我來翻恐老  
僧忙

端午日與劉環翁遊故內寺

百尺青桐宮井西當時曾見鳳來栖  
轆轤響絕西風起從此月明烏夜啼

題竹石

怪石蹲虎爭欲射老竹化龍誰欲騎  
飛將不來仙客去白日海霧精靈悲

次韻晨起二章用谷吳寅夫見憶

晨起悅新沐散髮風霧涼沉  
北窓雨素書閱岐黃燕坐萬念寂  
空林簷菊香思君成夢寐春



草滿池塘

又

晨起坐高閣焚香誦黃庭樹合野雲碧山浮江  
雨青神不在尊俎酒清肴亦馨扁舟望子久擘  
音未由聆

建德山中洪水雨後作寄默齋泛事

鴻發瀟湘郡頊洞裂崖石蛟蜃夜移屋鷄犬朝  
失宅客子憂緒繁江山亂清碧杖藜不出門行  
潦高數尺螢火息風條窻戶雨氣積涼月盪殘

暉光照床頭白床上無所有芸香二三策懷人  
耿無寐披襟坐通昔

送洪省吾歸淳安

君家山水鄉耆舊半遺逸讀書錦溪上平生事  
著述識君目今弟晤言能幾日相見既遲莫賦  
歸復倉卒雨林碧冥冥雲嶺青嶺巖石忽破  
裂江波尚奔溢扁舟泛此逝六月海風慄余聞  
彼山中大木多倚漆山水有餘音為我斲琴瑟  
斲成倘相遺鼓以軒轅律豈無南薰來返我太



古貞君歸與世違  
幽棲保貞吉  
濯纓松下流  
長嘯時抱膝  
寄與山中人  
悠哉勿輕出

送月明德送左丞相公入貢朝賀

送客江河秋潦新  
涼風似水月如銀  
掄才南省儀曹掾  
進賀中宮贊相臣  
野濶斗牛連析木  
天高玄武直鈎陳  
清尊九月都門道  
定對黃花憶故人

八月二日夜與仲仁孟宣同坐聽雨

寂寞陳蕃榻  
清秋坐鄉晨  
乾坤同是客  
風雨獨

愁人巷閉休沽酒  
燈明更接茵  
詩成還寄遠  
欲採越江蘋

再送梁非原

二月魯期上國遊  
遲々行李又經秋  
月明太液飛黃鵠  
塵滿長安躍紫駟  
兩榜名門見槁梓  
一尊故里酌松楸  
楚楓初赤吳雲白  
若過蕪城試倚樓

題張仙人隱居圖

百年曹氏宅  
萬古張仙山  
藏書白雲裡  
結屋青



林間泉迸石缸裂樹深溪鳥閑我欲送子道騎  
驢相往還

洪安道挽詩

自悲獻玉屢無功夜壑藏舟萬事空家奉一編  
耽傳癖客懷千首坐詩窮梅花有約閑湖上桂  
樹魚香死月中見說錦溪墳墓好幾時絮酒酌  
西風

江月松風集卷之七

東湖老農為盛仲仁作

老農生計在東湖二頃良田宅一區斗酒熟時  
多稻蟹扁舟到處有萼鱸風霜兩鬢秦毛穎烟  
雨千頭楚木奴便欲相送買黃犢醉似鐵笛和  
吳歛

送鑑虛堂分題得多稼亭

多稼亭前祝華封家、擊壤樂時雍雲連白水  
現秋刈月滿青山聽夜春每喜豐年占二麥更



看甘露降雙松帶經久欲追高鳳早賦歸田去  
學農

九月晦日張杞仲同宿明慶亭會堂上人  
房是夜讀羅昭諫詩

寶坊金碧近閭閻閣道沉：警夜嚴萬石華鱸  
驚海獸四簷鉄鳳語蜚廉傷時我豈同昭諫覓  
句師能及道潛一榻茶煙清夢熟因思松瀑洒  
冰簾

十月望日雨後与湯鼎成過包山福泉

峯迴路轉絕人烟葉隕霜乾塞澗泉山勢斷時  
江自見石根疎處樹相連人生安得灰為念衲  
子泛教雪滿顛忽有海鷗潮上起分明落照在  
漁船

寄牛彥伊

不見故人今幾年移家江上看風烟銀絲鱸  
最鮮美石勢<sup>巖</sup>竦何連螻詞藻故鄉追晉問声  
華他日擅膺傳梅花遲子西湖酒乘興何須雪  
下船



聞項可立先生訃

文星此夜落丹丘，知是先人赴玉樓。  
久待明堂修祀樂，豈期高閣束春秋。  
百年丘壟全歸壁，萬里河江不繫舟。  
堂上慈親踰九十，哭兒淚逐海波流。

大風雷雨雹是日瘴州李智甫作耗

江城奔雨撼風雷，飛雹如驅萬馬來。  
蜥蜴吐成嵩鼎見，蛟龍捭取凌人猜。  
聲疑玉斗鴻門碎，勢似冰山白日推。  
介介錢文如刻就，未應傷稼必

為灾

送文煥回揚州

洞簫吹徹玉人家，騎鶴樓高酒幔斜。  
春滿揚州二三月，明年我欲看瓊花。

送安慶董榮卿之徽州試吏

聞昔安豐有董生，昌黎為作董生行。  
淮水湯出桐栢近，今千載揚嘉名。  
尔家安慶隣安豐，譜系蓋與生同宗。  
李掾相携過南省，時復負笈來橫宮。  
遠遊不負丈夫志，捧檄初為郡曹吏。  
新安



高：江發源西風挂帆疾於騎魚徒簿書廢文  
學要識吾儒有真樂紫陽適傳今在誰為持辨  
香訪林壑

次韻錢良貴江行

晚潮西下月東出欲弔鴟夷事邈茫鼓角高樓  
森虎旅帆檣遠島聚魚商秋聲衝激風濤岸暝  
色接連烟水鄉無限客愁禁不得芙蓉城郭夜  
偏涼

題方仙翁手卷

即清溪道士

先生聞是漢諸儒長往千秋不可呼偶向青天  
騎一雀絕勝赤縣下雙鳧史官自昔遺名氏仙  
蹟從今入彀圖願我平生耽讀易欲從鷄犬扣  
虞魚

送劉彥昂百夫長致仕歸毗陵

盟府勲勞舊清時將校閑有官居澤國無夢到  
天山老識兵書變醉乘烟艇還秋風吹畫角只  
在五湖間

送徐子羽回建昌省親且過金陵訪舊并



東咲隱長老

楚材落：似君稀重過金陵逸興飛燕子巷深  
秋草合鳳皇臺舊晚山圍十年學古猶為客一  
日思親便賦歸暫向石頭城下泊好送犬空問  
禪机

送李士元歸河南養親

談咲胃中有六經掾曹辭太鬢星：江心見月  
秋偏白淮口逢山晚更青捧檄誰知毛令喜濯  
纓共詫楚人醒綵衣正好尋幽討只恐微車下

驛亭

讀錢伯仁墓誌

錦樹彫零譜課分先生高卧富春雲水邊種竹  
聽秋雨石上看山对夕曛白壁沉埋甘隱遯黃  
金鋤太樂耕耘清風不與身同泥宰木成陰霍  
守墳

題風雨歸牧圖

野陰雲氣合蒼茫辟歷山精白石藏蓑笠歸來  
牛背穩不迷風雨似尋常



又

不見人烟聞鬼車長林昏黑雨如麻晚晴却看  
前峯翠過得溪南即是家

班姬題扇圖

無復承恩柘館春偶題紙扇淚盈巾賦成不費  
黃金買羞比長門失寵人

送張小山之桐廬典史

君家樂府號吳鹽况是風姿美談笑公幹才名  
傾鄴下子山詞賦擅江南霜晴萬木丹青變雨

暝千峯紫翠含縣幕送容鈞臺公臨流應自得漱  
餘酣

送陳敬復携妻子往沛中省親

遠訪庭闈挈細君寸心千里獨殷覲吳鯛晚入  
蕪城雨楚甸秋連沛國雲酒熟鄉鄰多稷黍肉  
均里社美榆枌別懷摠傳南來鴈竚立蒼茫對  
夕曛

就東敬復乃翁伯專助教

一代文章獨好奇十年契濶摠成詩寄書親舊



憑双鯉作樂朝廷待一夔登岳每懷天下士  
歎風猶說沛中兒故人感慨思鄉國落日荒城畫  
角吹

九月旦日呂彥孚約泛湖預為登高之會  
後二日見馬彥初云夢余得詩一句隔  
岸誰家竹最多因足成之時坐客凡八

人

十五了鬟歛翠蛾檻船穩泛白漚波入槁是處  
花無數隔岸人家竹最多樂事預為重九飲醉

鄉擬賦八仙歌菊華滿插烏巾小少壯歡娛柰  
尔何

送賈運使惟一

即官南省材華盛耆舊中朝德望隆  
煮海豈無齊相笑居官猶有魯儒風  
北方人品甄陶異西子湖山興趣同  
若訪魚臺舊遊釣辨香先謁孔林中

送李茂道迂江東憲書吏

氣味何曾識綺紈風神時復寫檀栾  
掾曹無事



歸來早落華晴意翠雨寒

九日與武仲仁登尊勝塔寺

鹿苑蕭條景龍山慘淡陰百年多感慨九日此  
登臨宮葉詩誰寫籬花酒共斟不知城外雨逸  
思滿幽襟

又

香火今朝寺雲山前代宮雕欄陳迹在白塔暝  
烟籠雨泣交龍柱風悲孤鳳桐唯應江上水千  
古酌英雄

題山居圖

婆娑夏水蔭清漪終日看山罷釣竿絕跡不交  
當世士野橋魚路蘚花漫

呂德甫妻施氏挽詞

憲戶淒風慘碧紗別愁分付入胡笳沉綿無益  
三年艾憔悴猶看十日華泪濕鮫綃如雨散塵  
昏鸞鏡似雲遮夫君何處魂能斷况讀殘書到

月斜

送石處道貢江西憲掾



擾、黃塵事馬蹄扁舟忽上大江面斗牛夜靜  
電光見霞驚秋高鶻表齊清白声名馳遠道平  
安消息到滌閨滕王閣在今猶古何日臨風手  
共携

送呂彥孚遊四明

買山活計未能成炊黍浮名本自輕携妓每為  
湖上醉辭親暫作甬東行三江九堰無多路双  
履孤舟已半生握手丁寧南至後探梅細說歲  
寒情

呂彥孚留別錢良貴次韻以送

東書忽問浙東船聚散閑情重惘然千里江山  
隨鴈去四更風雨聽雞眠故人留別短長句遠  
客思家新舊年至日登臨天姥望應題節物五  
雲邊

送方大道之安仁縣教諭

仕途唯有此送尔欲彈冠百里安仁縣三十分  
教官日新桐子業春在杏花壇太乙望彭蠡冥  
鴻響夜闌



寄呂彥孚

心跡都無海鳥疑  
光陰翻嘆隙駒馳  
兒童几見成斑鬢  
昆季相知讓白眉  
流水桃花通剡縣  
遠江鴨綠帶高麗  
四明勝處君遊遍  
一一歸來為寫詩

寄四明延慶講主我菴魚公

說法魚龍不敢駭  
四明城郭靜風濤  
別離但覺成斑鬢  
瞻仰何由覩白毫  
百衲雲衣披紫鳳  
五更江月吼蒲牢  
平生只在湖山裡  
安得扁舟共

手操

題遂初園圖送劉士舉仁和縣尹滿歸菜

州

縣令歸來樂有餘  
若翁康健已懸車  
腰鑷獲稻新為酒  
手板看山暫罷書  
萬井風煙連海市  
四時花竹映鄰居  
故人為撰名園記  
却擬登堂賦

遂初

送錢良貴之蘭溪

一年一度省親回  
歸客程途節序催  
赤國未慚



羊子別卜鄰還絜孟光來山中訪友休題鳳海上懷人本姓回行李無多亦一葉袖香知有橘三枚

十一月初二日與素朋舉錢良貴同登雷

峰塔訪魯山文公講主

錢唐門外黃妃塔猶有前朝進士題一字排空晴見雁千燈照水夜然犀周遭地帶江湖勝孤絕山同樹木低二客共馳千里目故鄉各在浙

東西

袁浙東西

楊志行挽詞

謝政還鄉里誅姦補聖朝玉堂開制苑烏府重賓僚名與曹刘並竟如宋屈招空齋書萬卷霜月夜蕭々

江月松風集卷之八

送兼善郎中朝京師

名重兩臺為御史禮優南省冠賓僚周官故事  
行春見唐殿新詩和早朝夢筆生花脩五鳳  
鸞孤穿葉試雙鷗孰知風月同高潔肯向江湖  
慰寂寥

寄光希照禪師

三載音書杳諸方道價行舊游湖上寺新離石  
頭城歲暮煨黃獨秋來采芡明相思不可見江



胡共潮生

程國珍雙親同慶七十

雀髮升堂綵服趨春風  
入席奏笙竽庭闈自結  
同年會鄉里爭傳拜慶  
圖鸞誥待封承寵渥燕  
毛成札接歡娛從今七  
十躋高壽更看曾孫戲  
掌珠

袁德齋昇仙詞

小隱城南水竹村  
蒼莪樓閣耀朝曦  
山中弟子歌桑戶  
海上仙人說羨門  
鵝換黃庭空有帖  
雀

歸華表定能言  
末由酌酒梅梁下  
萬壑千峯翠雨昏

六日遊包山福泉

平生鹿門趣有意  
此誅茅地控江分  
越山因人姓包海  
鷗飛落日野馬牧  
荒郊流水花千樹  
重期載酒肴

送尹希善之宣城縣令

謝守登臨處能官  
儘自佳戴星趨憲  
府喜雨問農家溪  
水偏宜酒山田  
盡種瓜敬亭須繫  
馬吟



到日西斜

元宵偶作

彈壑城池夜屬橐放燈那復事奢豪水精宮裡  
香風細曾見神山駕六鼈

又

寺前楊柳夜迢迢何處香風度玉簫天上舊時  
明月色鳳城曾照賞元宵

送朱子招遊金陵

自送越人遊冀北先送揚子過金陵雨中情緒

雞分手海內声名已折肱歸鴈去時開畫鷁流  
鶯啼後別青綾壯遊不似幽居者頭白山林祇  
待徵

正月十六日遊湖上

東風杖屨偶相送試傍新堤覓舊蹤花竹園池  
通一送金銀樓閣倚千峯林烟日午青先暝湖  
水天寒綠未濃賣酒壚頭人似玉抱琴時復醉  
臨邛

送陳新甫大祝造祭器還京師



先皇入廟送昭穆大祝還朝告鼎彝制作喜存  
三代意蒸嘗應永萬年思公庭作樂群趨事宣  
室承恩尚問釐黼黻太平班馬在諸君擬抗漢  
歌辭

送丘長卿之樂清尉

大冠黃綬初為尉小學青衿送師莫倚弓刀  
能弭盜且送山水通題詩茂猶吳榜乘風穩  
呶潘輿度嶺遲聞說上官當五月吹蕭人唱海  
榴詞

送王子仁之閩帥府

三歲抽毫直理官南游且盡一尊歡白雲姥嶺  
慈親舍綠樹人家嚴子灘幕下文書方雜選軍  
前烽火漸平安儒生無意封侯事老我江湖一  
釣竿

張園雜賦

清夜無眠疊鼓催竹梢垂露點蒼苔滿池月色  
如霜白一片蛙聲似雨來

又



野雀孤雲思不殊  
好風時至立須臾  
夜深庭戶光凌亂  
月照青桐第几枝

又

螢火隨風撩亂飛  
樹頭殘雨滴人衣  
無端踈竹偏宜月  
寒碧蕭蕭光入扉

二馬

草間二馬脫羈絡  
毛鬣蕭蕭兩相嚙  
奉頭忽向夕陽嘶  
臺上胡歌猶未歇

寄金伯仁

畫舫相逢對夕曛  
別來無日不思君  
水花晚淨湖中雨  
林木晴鋪澗底雲  
三迳主人真好客  
一家兄弟总能文  
重期醕酌南風裡  
盡把詩題舞女裙

故陳母夫人張氏挽詞

弔喪遠自四方志  
合葬初偕百歲期  
孝義哭家城破日  
尊榮見子宦成時  
尺稱剪髻隆賓礼  
獨後登堂拜世儀  
博士新銘埋玉地  
晉陵西望白雲馳



送李可度

暫駕仙舟絕海濤未應歸夢又金鰲漢家長者  
為廷尉江左參軍辟掾曹十月蛟鼉龍淮浪靜九  
天鷹隼朔雲高匡時有用須公等莫遣吳霜點  
鬢毛

挽翟公

忽報蒼桐旅襯迴麥舟千里感陳雷病危瘴海  
鵬程短官近長沙鵬賦哀地下文章仍著作天  
涯魂魄定歸來鄉人漫號將軍墓樹影蕭蕭掩

夜臺

和錢良貴寄春山韻

江寺當幽僻禪林絕垢氛人生真是夢世故不  
須聞靜見千波月閑笛半榻雲空華飄滿座聽  
泐有龍君

寄趙初心

風流文采舊王孫一代衣冠礼教存天上神仙  
居海島雪中賓客宴梁園金魚換酒尊常滿室  
鼻焚香火自溫紅袖烏絲扶醉寫梅梢新月照



黃昏

送張石隱歸東陽

餘不溪上張公子一日乘槎過婺州客遍湖江  
成落魄才兼書畫擅風流月明八詠樓中醉雪  
盡雙林寺裡遊覓取東陽高價酒一尊為我載  
迴舟

十五日呂彥孚王槐卿方雲器馬彥初同

過三茅觀山時雪晴雲散憑虛望遠不  
知身在之在城市也賦詩一首以記之

三茅真觀聚群仙閭苑蓬壺思渺然澗雪晴飄  
松上雨野雲冷護洞中天眼高但覺江湖小心  
遠那知井邑連欲與梅花爭比壽挹琴携酒約  
年

賦壽梅

問梅此地欲尋真不抵孤山野水濱却月觀深  
千歲壽返魂香在半邊春苔駮朽幹元無恙花  
綴枯梢似有神雪壘函闌開較晚不隨點額化  
芳塵



送陳衆仲之官翰林應奉

畫鷁齊飛發棹謳  
泛江几日過揚州  
曉雲最白梅花驛  
春雨初香杜若洲  
一代文章開氣運  
十年館閣擅風流  
綠波草色連天遠  
不是尋常送別愁

又

寂寞江南鄭廣文  
青藜夜照校書勤  
懷人遙望燕臺月  
奉使還探禹穴雲  
春詠燭花深院剪  
早朝諫草鎖窓熱  
相知媿乏青瓊報  
目送風帆日

易曛

又賦兼柬張仲舉徵君

鼓枻坐春水  
快意如登瀛  
燒香把銅爵  
眠月舒錦鯨  
公才不世出  
豈特千人英  
國史馬遷贊  
月旦許幼許  
東觀徵博士  
南郡別諸生  
媿無隻南金  
贈此千里行  
萍香大江滿  
草綠長淮平  
紅藥有花譜  
金盤遺酒名  
若逢杜書記  
暫息廣陵城

送顧君澤遷平江

舊城黃堂掾  
風流見逸才  
秋莼魚蟹  
郡春樹鹿



麋臺遷榭郵亭送離尊客棹催有詩須寄我握手更徘徊

又

君家九峰下作吏擅時名隱語中即學歌章大雅聲江雲龍廟濕山雪虎丘明回首片帆遠桃花春水生

江月松風集卷之九

送趙季文之官湖州分題得蘇瓌潭

憶昔蘇瓌墮此潭至今遺事作清談雲深不雨千峰潤風定無波一鏡涵鷓鴣班行終可遣蛟龍窟穴暫須探前身恐是烏程尉晝畫溪山性所耽

和季文山齋早春

方壺元不離人間倚遍東風十二欄烟雨樓臺春似畫水雲窓戶畫生寒遙知洗鼎煎茶待定



許敲門借竹看醉後石橋花爛熳翠禽啁哢在  
簷端

又

落梅風雨細小窻寒石上餘香點點斑不惜壺觴  
十日醉只愁庭館一春開澗雲生白元非雨江  
樹排青更有山携取畫圖溪上太宦聲歸應到夢  
竟間

与馬彥初日暮遊興元寺河上

遠山疑紫白雲歸高處時來攬翠微流水野梅

春寂、擗城宮樹晚依、雪晴孤鴈過江去林  
暝亂鴉盤塔飛地下修文呼不起眼前殊竟故  
人稀

題子昂疎竹遠山圖

玉立湘江澗東風不自持巫山何處是春雨掃  
蛾眉

翠竹靈巒圖

江上聞瑤瑟雲端擁翠旗楚王空有夢那得見  
貞姿



客樓即事

未能辭市井那得老江湖不伐田家樹仍還合  
浦珠客憲春雨靜親舍莫雲孤時復登樓望青  
山入座隅

送姚德莊之淳安縣學諭

少壯功名擬穀中誰怜短褐尚飄蓬山深縣郭  
民風儉烟濕厨庖學廩豐弟子讀書庭草綠鄰  
人携酒野花紅煩君為問青溪友獨喜諸洪有  
兩龔

送中瑞師典簿楊元誠還京師

上国皇華使中宮符宝郎每瞻天日表長憶水  
雲鄉御榻先馳貢賓筵遠送將此遊誰得似閭  
里共輝光

又

湖上山屋好天涯駟騎遙三年兩奉使千里又  
還朝江樹迎潮立林花避雨飄多情那忍別剪  
燭坐春宵

送方以愚赴銅陵縣尹



參軍重作宰士美獨能兼首為詢彫瘵仍當舉  
孝廉柳陰春繫馬山色畫垂簾見說銅陵郡編  
氓盡聳瞻

題清暉亭

段家亭子近吳山紫翠橫  
幾几紫閣畫省歸來  
林壑暝黃庭臨得簿書閑  
花邊著綵芝兒戲竹  
下携琴送客還不獨詩懷似  
靈運白雲相對柱  
魚頰

又

鄴侯新第宅何氏好山林  
賸醉江南酒閑題漢  
上衿池春圓草夢庭戶直  
槐陰康樂湖中作令  
人誦到今

二月望日與呂彥孚錢良貴方雲器過龍  
華寺看桃花未開共畫而回

二月龍華寺桃花寒未開  
千峰閑白日一徑亂  
蒼苔訪舊山僧化啼春  
野鳥哀前朝遺跡在燕  
麥長襟臺

送上清外史薛玄卿歸瓊林臺



詩名早已繞京華奉使南乘貫月槎臺上風含  
蒼玉佩洞中春老碧桃花步虛渺縹聯珠斗靈  
閣嵒嵒逼紫霞築館候仙誠有約百年須啖枣  
如瓜

又

聽松漫羨陶貞白嚼蕊兼懷郭景純犬吠瓊林  
疑有雪雀歸蒼海竟無塵曾臺恍若崑丘頂仙  
浦遙通析木津我欲把詩題石壁天風何日駕  
麒麟

題任月山畫馬

神駿蕭蕭白黑文  
圉人調習未能馴  
五陵年少黃金絡  
騎向長安不動塵

晚雨過白塔

宋宮傳是唐朝寺  
白塔崔嵬寢殿前  
夏雨染成千樹綠  
莫嵐散作一江烟  
蒼苔門外銅鋪暗  
細柳營中画角傳  
寂寞葫蘆宮井畔  
野人拾得舊金鈿

送慶雲壑西堂之揚州化緣



白雲一壑包山卧，偶訪檀那作遠行。天上賜衣披紫鳳，雨中投寺聽華鯨。夙壽此日長江險，梁棟明年大厦成。已誦汰華逾萬遍，早回天竺話三生。

送王舉之入京就東樵谷

短衣匹马佩吳鉤，欲寫關河萬古愁。射鴈秋風高紫塞，聽鶯春色滿皇州。黃塵駟路三千里，白玉京城十二樓。無酒送君懷抱惡，過江為覓故人舟。

過寅賓亭

寅賓亭上聽松聲，夏木參天綠染成。千歲崔嵬城郭是，四更鷄動海波明。每逢野客分雲坐，慣引山童踏雪行。載酒誰能忘勝槩，賦詩我獨寄幽情。

江雲劉先生挽章

先生家在錦溪村，冠蓋相送似鹿門。忘國敢言邊塞急，清朝應見典刑存。京庠事往嗟誰及，鄉校官卑道益尊。冉冉白雲留不住，山中何處醉



貞魂

送藍信之省掾滿歸北土豫章人

近省江月正懷思遠望燕雲又別離南省共稱  
三語掾東膠猶說五經師龍泉光彩<sub>千斗</sub>斗金  
匱文章刻鼎彝追逐相君行樂地西湖佳處總  
新詩

思雲軒為汪會之以敬父子作乃祖號雲  
留先生思雲者思其祖也

兒時不識雲指雲謂為天愛雲及少壯賦詩輒

成篇藹、春雲好英、秋逾鮮望之不可即逝  
將扶飛仙竭來錦溪上苗與高人眠高人去弗  
返子孫更綿、弦琴松桂裡日與雲周旋見雲  
思祖父心旌愈懸、九京不可作抱雲為潛然  
雲或尔飄散尔無雲棄捐帝鄉太清境親舍落  
日邊嗟余平生懷蹉跎成暮年

待月亭

廣寒宮殿海雲遮坐聽譙樓度鼓搥何處香飄  
丹桂子暗中光湧白蓮花莫嫌清景昏難見正



想高輪曉易斜塵世能逢此良夜狂歌起舞醉  
流霞

玉簷馬為彥孚作

堂上讀書春晝長時間簷馬動丁當空中環玦  
聲高下風裡鸞和勢激揚遲似渴烏傳玉漏清  
於願兔搗玄霜特縣雅樂今餘幾愛此自然宮  
與商

蓬峯贈天日周上人

慣聽黃梅嶺頭雨却卧青蓮峯頂雲手結草菴

終作住身披芟製不曾焚六時漏季序山刻十  
丈花泛太華分見說上人無所染定中日：对  
南薰

七月旦日與呂彥孚錢良貴拉袁鵬舉遊  
湖值風雨聯成口號

泛湖此日故人期一葉扁舟任所之雲霧兩峯  
青恰幘波濤萬頃碧琉璃豈同袁紹飲河朔恰  
似岑參遊羨陂醉裡不愁風雨至只疑昏黑有  
蛟螭



又

菱製荷衣六月寒  
清冰瓜果設杯棹  
歌浪湧  
飄毛髮談塵風塵生  
出肺肝白雨滿湖山  
下見紅裙入座酒都乾  
潢汙歸路沒人膝  
須記扁舟此日歡

錢子雲有二齋居號封雲可月索賦

道人燕坐讀楞伽  
童子燒香更煮茶  
雪月四簷春滿室  
夢中何處覓梨花

又

涼生石壁靜無燈  
窻戶微明月已升  
散髮夜深松影裡  
滿身風露踏曾冰

送陳秉彝代父回台城壽祖母

蒼江兩岸赤城霞  
十日籃輿坐到家  
池上稱觴壽王母  
蟠桃開遍漢時花

次陸孔昭韻寄葉子中

白雲南望日思親  
牛斗高連析木津  
懷想漫馳千里夢  
飛騰不負百年身  
讀書異土寧無友  
積德名門尚有人  
見說中朝多好事  
盡開賓閣致



儒珍

江月松風集卷之十

送湯仲賢之金華縣典史分題得金華洞

吳興郡曹掾左幕向金華雲氣藏山寺溪光入  
縣衙仙人同採藥茂宰共栽花洞府余能到騎  
羊弄碧霞

寄高平田長老

餘不溪上楊家寺雲逕迢々九里松旁舍泉香  
新釀酒前峯月出始聞鐘天龍未散灵山會石  
馬犹存夏屋封見說計籌真隱地它年卜築許



相凌

送域無住律師住四明五臺

大士無心過海行胡僧卓錫此徑營龍能護法  
壇場潔花不霑衣戒律精長夏雲中雪山冷高  
秋湖上月波清故人只在鄰峯住何日為賓客  
許生

新安徐氏號茂林亭曰深淨

高士卜居山水幽寄題珠玉盡名流清風不待  
開三徑落日還同泛八溝枕簟嫩涼宜醒酒琴

書真味足消夏幾時得過雲林下一漱潺湲卧

石頭

題柯敬仲博士明雪窻長老蘭竹石合景

四幅各一首

適從楚畹來解后此君子乃知岩壑姿風致頗  
相似

又

光風泛崇蘭玉立共潇洒襟抱有斐清歲暮遺  
遠者



又

石逾玉潤不生苔  
鉄笛吹殘自裂開  
絕似雨晴炎海上一隻翡翠忽飛來

九日與呂彥孚陸孔昭袁鵬奉乘風雨泛

湖中有期而不至者蔡東流上官東閣楊

邊梅分韻得滿朱二字

九日雨凄其西風吹不斷空懷戲馬臺  
無復商飈館湖濶浪花明林昏煙雨短  
紅舡大於屋坐客不能滿

又

時序多風雨雲林總畫圖翠屏低晚嶂黑米長  
秋菰未遂群賢集那能回美俱扁舟載西子唯  
願學陶朱

九月望日與楊廉夫司合袁鵬奉陸孔昭

賓玉泛湖過岳墳及林和靖墓分韻得

橫字

梅花岡上酌先生詩句猶同水月清僧飯林鐘  
時漫扣客來野雀不能鳴百年榛莽餘瀛嶼九



月芙蓉似錦城更約雪晴湖上宿洞簫留向夜深橫

送張定之還宜興

引領白雲天際飛思親未及一年歸洞庭橘熟霜前摘更學兒啼舞綵衣

賦半間雲

蜀嶺庠峰半是雲青城樵者愛氤氲晨霑席上香山笏莫濕窓間辟蠹芸閑逐蛟龍行雨去靜棲鸞窟與松分更送真訣披三素莫把詞章綉

五紋

寄李公平御史

姓名不待覆金甌已作人間第一流烏府先生來建業玉堂孝士下瀛洲十年麗澤送諸老一日清風動五侯江海相知唯賀監幾時醉解驪驪裘

題東閣為上官作

歲晚溪山倚東閣夜深風雪夢西湖不同何遜當年與獨玩先天太極圖



題耕樂堂為許生作

畎畝區區樂半生  
此心惟有慕耕莘  
豈同巢父終忘世  
獨愛龐公不入城  
笑我窮經為左計  
呼兒擊壤慶西成  
烹雞饌黍年約莫  
道儂家是許行

送王文敏重入京師

漢室徵賢日  
王褒有軼材  
風雲行獻頌  
江海更嘶盃  
安得雙金贈  
真同萬里迴  
皇猷能黼黻  
應不數鉅枚

又

聖恩頒漢詔  
星使遍堯封  
應聘多耆碩  
更張法祖宗  
金臺明易水  
玉仗過居庸  
未遂觀光願  
清時不易逢

題萱蕙同芳圖

光風轉蕙及萱華  
一咲相逢子墨家  
不採幽香同結佩  
空教零落怨年華

題魯彥康所藏范寬山水手卷

看雲終日坐蒼苔  
溪上千峯紫翠堆  
種竹人家



臨水住抱琴客子過橋來欲書盤谷先生序更  
把潯陽處士杯它日卜居能似畫草堂題作小  
蓬萊

松雪竹石蘭

鳳皇栖老楚琅玕白雪深蘭一再彈空憶玉堂  
聽雨夜不知翠袖倚天寒

松雪竹

松雪齋前見此君白漚波冷翠紛々蕭騷不是  
湘江雨要眇還成楚峽雲

遊冷泉亭

絺綌生涼坐酒醒暫於樹底弄清冷煮茶博士  
那知味覓句賓王尚有灵石上白雲終日濕洞  
中瑤草四時青我來不宿空歸去夜夢廬山漱  
玉亭

鷺鷥手卷

摩詰画成詩益妙夫差鼓破事全非雨蒲煙蓀  
寒沙暝無數連拳幾箇飛

顯應觀書事



樓觀窺江郭新晴撲紫嵐深林疑有雨積溜響  
空潭素髮何由變玄机庶可參明朝重與子來  
此漱餘酣

送方叔高之泉州南安尉

積籬茅屋共桑麻韓偓詩中是縣衙政喜簿書  
辭帥府又勞弓劍慰山家海洲風靜來犀象岩  
峒巢空竄虺蛇有詔令民皆復業繞城新植刺  
桐花

次韻李克

上議

過丘以敬仁王寺讀書所

先生讀書處庭草似人長烟郭萬家畫風濤六  
月涼問竒能載酒習靜自焚香暫此招提宿非  
回事覺皇

送人之金陵

之子好文翰扁舟東適吳金陵龍虎氣六代帝  
王都明月采驪頷朝陽鳴鳳雛畏途方酷烈善  
保百金軀

西馬

西風弄影四蹄霜背有連錢匹練光神駿何曾



受羈帶蕭々想見華山陽

送海東之

一言不合使投劾骨負平生万卷書南省幕中  
鳳鳥西風江上鱸鮓魚翩々去就為時重落  
落逢迎与世疎想得扁舟明月下夜夢魂唯是到  
匡序

早起

四壁虫声一樹風滿樓月色五更鐘起來但覓  
東方白草上灑々露氣濃

八月十五日蔡忠伯楊廉夫司合袁朋率

賓玉陸孔昭同登江樓觀潮以李白浙

江八月何如此潮似連山卷雪來分韻

賦詩限七言律期而不至者楚石長老

呂彥孚

白馬濤頭駕素車至今犹自說灵胥千年元氣  
淋漓後八月長風震盪初願免盈虛端不塞神  
龍变化竟何如須臾日落江明練東逝滔々泄  
尾閣



江月松風集卷之十一

題遺安軒為吳江朱君竹子誠作

子孫何以遺方寸繫安危獲稻水雲裡讀書風  
雨時寧無五湖興應有鹿門期遲我來看竹彈  
琴更賦詩

空隱子以燈花寫草虫八物盖用雲巢家

法且書坡翁題雍秀才八詩於右

戲把燈花幻草虫世間筆墨誰能同雲巢家法  
坡仙語令我披圖悟色空



雪岩為管公賦

金華洞天古時雪光彩射人  
猶粟列仙翁縛屋  
岩之阿被斃道遙弄春月或云高處產瑤琨晝  
夜照耀天無昏千年水精化為石  
壁立萬仞誰能捫  
仙翁胃中有丘壑故倚孱顏若棲窟  
天風吹開白雲太茅閑見此青崖  
峩云胡玉氣長縹緲是中回月方知春  
百年富貴一餉尔冰山未必同  
吾真玉宇瓊樓每欲徃琪樹瑤花歲應長  
更於何處覓此境冷逼衣裳成夢想  
手中咲把

雙芙蓉飲似冰壺  
醱白龍覺來問我何所見  
彷彿瀑布香爐峰

寄呂彥孚

覓句隱烏几談經坐虎皮  
乾坤秋已半風雨夜何其  
聚散偏相憶窮愁不自悲  
但令交有道莫惜鬢成絲

李君彥何道衡雨中見訪留宿以今日重

來白首分韻得今日二字各賦詩二首

以記之



二子來相訪空階落葉深江山雖異縣風雨忽  
同衾四十未聞道二毛胡見侵文章須邁古情  
好祇如今

又

薄莫故人來豪談極真率孤燈明簡書杯酒荐  
梨栗雨樹正蕭々風條尤瑟瑟对床不能寐相  
期復何日

楊廉夫司會以詩美杜清碧先生達兼善  
郎中率吾曹同賦

獨慕空同郤道士共稱京兆杜徵君鍊丹室裡  
金銀氣懷友軒中虎豹文何處同舟追李郭平  
生講道擬河汾明年約我武夷公共寫松風弄  
白雲

又

近傳水北幽居好鞍馬相尋多出城說易長懷  
白岩老題詩只寄丹丘生郎官幕府擅文藻科  
目人才繫重輕憶昨同舟過湖日風篴聲裡問  
龍泓



放猿為魯至道礼部侍郎作

飛來峰下又成群好事誰如魯使君  
金鎖曾經湘岸雨黑衣猶帶峽山雲  
不應淚落舟中聽只許禪餘石上聞  
千尺長松挂孤影夜深澗月白紛

送羅敬之侍親之長林任并東樂清尉立

長卿

送子之何許窮年雨雪陰風橋連越  
嶠島嶼帶長林煮海惟深計趨庭寄好音  
近聞樂清尉無

事六鳴琴

庚辰臘日大雨雪至明年元日承普安善

卿劉環翁賽甫思誠韓思學四鄉元泊  
袁朋舉朱子昭同酌抵莫而歸三日納  
復礼謂當作詩以紀日綴七言律一首

舊歲新年雨雪飛風來西北逞寒威  
玄冥未授青皇令黑夜還同白日輝  
群玉山川迷畫舫五雲宮闕點朝衣  
衆賓尽醉成清賞為掃柴門一尺圍



四日呂謙甫呂彥孚昆仲相招飲家園  
玉樹庭階好弟昆雪晴開宴勝梁園已呼翠袖  
歌金縷肯使烏巾負綠尊節近燒燈田蟹火春  
生坐禱野熊溫罷婦蠟屐愁冰滑慚愧吾親重  
倚門

至元六年庚辰十又二月庚辰朔己亥大  
雨雪戊申復雨雪至七年辛己正月朔  
旦己酉雨雪大作癸丑甲寅復大雪因  
賦詩以記

城郭雪深三四尺窮谷大川那可量虎狼憑威  
肆貪虐雀鳥凍死何哀傷海中三山失顏色堯  
時十日無晶光梅花相看夜忘寐門外不知迴  
野航

雪晴次丘以敬韻

雪深難覓故人家曉日初翻城上鴉睡覺只驚  
窻戶白一簾晴響滴簷花

王松友索賦

吾聞王子高昔與赤松友若人今復見茯苓千



歲壽家居金華縣初平時避后十年走燕趙功名  
名二何有南歸獲至宝珠玉燦雙袖願言山水  
好松花釀春酒抱琴弦松風寧有聽者不終當  
賦遠游又別山中叟

素華臺在龍虎山太玄子現月之所

環珮鏘：月下聞曾臺高起離人群天香散滿  
三珠樹灑氣凝成五素雲辟穀相從赤松子吹  
簫唯向玉晨君要食瓊屑渾無計急事吳剛乞  
斧斤

送伍景麟杞芝龍歸東平

兩賢瑞世即龍麟頭角崢嶸邁芋倫千里同舟  
求聖學幾時聯璧貢王賓山中夜月思丹桂天  
末涼風詠白蘋博尽黃金書萬卷却歸穎上理  
絲綸

極目亭四首

南望富春者雲山縱復橫野陰低驛樹秋色帶  
州城千古共登覽一江空戰爭海門遙見白應  
是晚潮生

又

遊覽東南際清秋樹木稀天空孤鳥沒江暝一  
帆歸月出金天豁山藏翠雨微道人能伏虎深  
夜亦開扉

又

五色雲中百尺梯憑高但覓鳥飛低江山今古  
何曾異氣候朝昏自不齊地近天河垂象緯而  
交海日見虹霓竹房開在禪棲處待我重來改  
舊題

又

南北峯來几案前朶雲飛動絕攀緣金烏曉浴  
扶桑國白鴈秋橫落木天林壑千重還紫翠江  
湖一挹飲風烟尋常引領爭如雪玉宇瓊樓更  
覺仙

次韻呂彥孚秋懷二首

遠樹秋聲細高樓月色多頭顱成老大勲業轉  
蹉跎謾憶袁臨汝空懷馬伏波好天如此夜無  
酒奈君何



又

金天垂月露秋氣入窻紗最戀姜肱被頻過賈  
島家無官寧夢鹿有女解塗鴉深夜首書喜灯  
明眼未花

芙蓉白貓手卷

秋花石上五後猊金尾脩：欽四蹄零落舊時  
宮女扇撲螢曾見画欄西

壽諼堂

壽母堂前多樹諼班衣時復奉輕軒宜男花發

春還夏拜慶圖成子又孫人好菓烏當屋宇客  
來剪髻助盤殮索詩已買東歸棹昨夜連環夢  
倚門

石上枯蓮上人琴名

君不見見零陵湘水西石上枯桐一十尺朝陽魚  
復鳳鸞鳴窠中犹有蛟龍蟄震霆一夜烈火焚  
賞音解后超道人斲作三琴號神品號鐘焦尾  
斯其倫好事相携東入海蓮師獲之極珍愛世  
經喪乱恐失真古製宛然遺韻在南風吹斷蒼

梧陰如此良質那易尋憑誰更寫柳州贊即是  
當年霹靂琴

黠賓鐵

君不見朱雀太尉家曹鏗弟子善琵琶平泉別  
墅朗談處有物跳出青蓮花月白風清縱出賞  
視之乃是鉄方響譬如以鐸求黃鐘宮声相應  
無差爽琵琶雜妙爭如琴雅鄭未必無知音蓮  
師之談彈過聰穎問以鉄寫禪之心請師試鼓黠  
賓調定有鏘然躍深沼琴兮鉄兮何要眇我當

往和蘇門嘯

翠雨亭

亭子蕭然十畝秋晴光搖曳屋簷頭楚雲冉冉  
文竿濕山雨娟娟翠黛愁公子玉樓春夢覺野  
人黃卷夕陰浮月明更鼓相灵瑟鸞鳳飛翔卒  
未休

十月朔旦錢良貴來訪已而袁朋奉六至

遂同登三茅現過清遠堂然後歸

被髮真君來武當凜然生氣坐高堂一池雨凝



青銅色半壁雲銷室篆香落葉空林人往返古  
松流水霍迴翔著書若許依丹竈雞犬相送歲  
月長

江月松風集卷之十二

漁村意

丙穴魚來江盡頭玄真卜築更深幽對門燈火  
三家市何處烟波萬里舟明月竹枝揚子夜西  
風木葉洞庭秋棹歌一曲閑來徃指點儂家鷓  
鴒洲

芭蕉室為吳江上人賦

手種芭蕉幾見春綠陰繞屋不生塵能書懷素  
題詩徧到寺昌黎聽雨頻覆鹿隍中誰辨夢狎

鷗波上共覩身扁舟欲過維摩室仍約華陽說  
偈人

夜坐志喜

母在高堂兒在旁燈前補綴舊衣裳移居獨喜  
親年健得句空歌子夜長千里鴻飛半江月四  
鄰誰和滿天霜儵然床榻如僧舍紙帳梅花入  
夢香

松化石

徂來之松幾千尺千歲之餘乃成石棟梁竒材

學尸解幻作萇弘血華碧蛇鱗剥落霜蘚痕荻  
苓不見心為煩耳邊無復聆天籟醉裏直欲搯  
雲根漆身未信青龍化鉄色真同玄虎臥日莫  
遇尔終南下飛將彎弧那敢過或疑織女曾支  
机又云恐是天星墮東老家富美園池於此列  
坐彈琴棋閉門枕流聽江雨蒼官前來夢中語  
若非黃石定赤松穀城山下還相逢

賦狐白裘送余仲懷歸歙

珍裘非一腋價重西肅燕輕於紫貂煥絜若銀



鼠光相德推晏子客計侮秦王若人不復見送  
尔意茫々

翌日同表朋舉過定香檣訪隱者不遇  
誦經声隔竹林聞知有禪房遠俗氛野水菰蒲  
藏小艇寒烟樹木翳斜曛雨花臺古龍歸井落  
葉廊深犬吠雲不見故人歸去晚扁舟重過雪  
紛々

楊隱居挽詩

君諱亮字明叔土饒人其子觀登至順

二年進士第授饒州錄事再為翰林檢  
閱而君卒季士揭公志其墓

銘章讀罷淚如波高士云止奈若何身入風濤  
親在念思霑雨露子登科明經救世傳家季會  
葬千人息巷歌昨日西樓游宴處佳城鬱々枕  
松蘿

一峯晴雪 石名

醉倚崔嵬夢剡溪覺來翻訝衆峯低孤標想見  
天山北萬里飛來蜀國西每怪珠光含霽月不

知玉氣吐晴霓風流欲喚坡仙起雪浪齋中共  
品題

送熊元成理豫章

柳梢昨夜東風起吹破官河一尺冰太史藏書  
探禹穴謫仙沽酒醉金陵斗間雙劍十年見月  
下孤舟萬里乘歸去故山重著述洛陽紙價為  
君增

元日立春

長安日近仰楓震萬國衣冠拜一人北斗轉杓

行木德東風吹暖報花神傷時感物中年境送  
故迎新半夜春明日樂遊珠翠出宝坊香拂鈿  
車塵

杜錄事挽詩

公諱輝字輝卿其先飛狐人曾為平陽  
錄事百姓號杜父調真定錄事君子謂  
有古循吏風遷京畿倉監似疾卒年四  
十九妻胡氏傷公之歿致疾而死合葬  
雲中武周山其子允為嘉興崇德同知



甘泉送幸有楊雄魯屬時巡作工宮豈弟化民  
稱杜父雍熙遺俗變唐風猶聞天上中書荐已  
覺人間大夢空千里並喪能合葬冥魂夢入  
雲中

人日喜晴分韻得人字

雪盡東風起城邊柳色勻百年同是客此日喜  
逢人暖泛波間綠香飄霽後塵送今追勝賞莫  
負六橋春

送張文郁考滿北上

張君昔掾行省幕起身六曹騰荐鶚玉壺風露  
濯心胃宝剑塵埃欽鋒鏑家居東魯風俗溥夢  
涉五湖波浪惡閉門官况政自佳三年抱病魔  
杯杓今君考滿將北歸俸廩脩然如一昨初自  
都下來江南有孫偕行訪文季前師李氏復師  
丘中間送余寃伊洛授書不似童子記哦詩欲  
追古人作君今歸裝盛籤軸携孫還鄉罄囊橐  
况當英妙力孤苦勿嗜紛華唾澹泊學海要須  
涵百川書厨無但支兩脚麗澤相資聖所貴他

山之石可為錯豈無尊酒報殷勤聊寫茲懷慰  
離索

正月十六日與列生雪中過三茅觀

天風吹雀斃疑到玉皇家不見赤松子唯逢萼  
綠花春回丹鼎火凍折使星槎明日看晴色江  
山景又加

顧碧蟾先生挽詩

壯歲歸來即養恬西山首雨捲朱簾庶須待詔  
登金馬祇欲求仙事玉蟾德種爭誇三子秀著

書已似一夫替廣陵城外新遷墓欲酌先生涕  
泗霑

送帖君澤歸湖廣

披鼓發船歸武昌杏花驛路早春光侍親河泊  
新之任為客乾坤總是鄉絕唱郢中傳白雪濯  
纓江上有滄浪登臨何處偏懷古落日蘭臺思  
渺茫

和王仲仁見寄

齒髮已如許江湖何所之忽收前月信未和去



年詩至宝懷双壁新愁理乱絲為親能捧檄此  
意獨余知

訪遠山觀師云寂已隔歲矣感而賦詩  
忽到觀公院蕭蕭影在帷山林能幾見塵世謾  
多為不作亩衣別猶聞說偈辭遠山何黯慘揮  
淚日斜時

三月初五日送刘師魯先生殯陸志尹孔

昭昆仲招飲湖船

綠楊多處小汀洲適意人生勝宦遊双槳微風

文鷁動千波倒景白虹流遺珠爭羨雲間陸荷  
鍾空懷地下刘時復湖天文字飲醉鄉何必更  
封侯

聞吕彦孚後園牡丹盛開与錢良貴有賦

詩之興回為長句以記其美

池館深：賦牡丹繁枝開遍未春殘鬱金香染  
芙蓉帳藥玉杯傾瑪瑙盤護日兼妨風雨至娛  
親時挈子孫看每設綺席陪清賞謾說楊家百  
宝闌

三月望日與袁朋舉賓玉同遊北山東山  
神仙宮諸勝處訪喜鵲寺茂上人不過  
泛舟而迴

自憐耽句平生樂時得尋真半日閑白：楊花  
迷道上青：梅子落林間三千歌舞如春夢四  
十飛騰未老顏喜鵲寺中回奉話前身記得是  
香山

雨後登吳山過城隍廟眺望  
偶向吳山高處望淒涼猶自覺繁華百年香火

祠神宇二月笙歌賣酒家渺：風帆來海島冥  
冥江樹接烟沙倚闌貪看西湖上古木荒城日  
又斜



江月松風續集

新正試筆次韻清溪野史高作

田家欲雨唯看月人日多陰重卜年鬢雪紛

梳易落燈花同：咲堪憐擬尋夢草池邊句即

買浣花溪上船風俗再淳民樂業會者斗米直

三錢夢草作靈運浣花作少陵

題倪雲林畫

曲江老人喜雲林之畫與詩不徒作蓋  
識其人之賢故次其韻以發清賞

太丘遺澤被諸孫東蔡溪屋雨外村濁水摩尼  
目見地好山畫正當門得錢贖買詩千卷留  
客時沽酒一尊名利區：昔春夢貪夫未覺古  
槐根

齒人好棲居曾梯離塵垢俯瞰江練澄仰觀雲  
幕收須臾獨憑闌萬象森列宿先得海底月飛  
光入窓牖犀然牛渚分珠吐蚌胎剖吹笛和龍  
吟金墓落吾手舉杯縱鐘吸玉兔墮吾口天高

割懷抱露下濕衣袖清氣滿乾坤識此幾人否  
豈惟棲得之吾心月自有對影舞且歌太白千  
古友



Blank manuscript page with vertical columns for writing.

Small square seal impression in the bottom left corner of the text area, containing characters in seal script.

